

La Banca Chantunala Grischuna e la fundaziun myclimate – in partenadi per la protecziun dal clima

Cuira, ils 29 da schaner 2013 – La fundaziun svizra myclimate (www.myclimate.org) s'engascha per la protecziun dal clima ed in svilup persistent. Ella planisescha e sustegna tranter auter projects en tut il mund che sbassan ils gas cun effects da serra e prendan resguard da la natira. Sco partenaria da myclimate sustegna la Banca Chantunala Grischuna (BCG) questas activitads. Cun cumpensar las atgnas emissiuns da CO₂ vul la banca daventar fin l'onn 2015 in'interpresa neutrala al clima.

Tenor enconuschientschas scientificas actualas giogan las emissiuns da dioxid carbonic (CO₂) in'impurtanta rolla per la midada dal clima. Perquai duess ins evitar resp. reducir emissiuns da CO₂ – dapertut nua ch'igl è pussaivel. Adina na va quai betg. Ma era sch'i n'è betg pussaivel d'evitar emissiuns, exista in'opziun per proteger il clima – la neutralitad al clima.

Ina reducziun mundiala da CO₂ en il focus

Per il clima na gioghi nagina rolla, nua sin il mund ch'ils gas nungiavischads sortan en l'atmosfera e nua ch'ins als reducescha. Igl è impurtant ch'il quantum mundial da las emissiuns da gas cun effects da serra sa sminuescha. En Svizra n'existan anc naginas referenzas giuridicas per la realisaziun da projects per il clima tenor standards internaziunals. Quai è er in motiv che la neutralitad al clima vegn actualmain cuntanschida cun projects en l'exteriur.

Meglierar l'aria cun cuschnar e stgaudar pli effizientamain

En il rom dal partenadi cun myclimate ha la BCG investì l'onn 2014 – sco gia l'onn precedent – en in project per la protecziun dal clima che promova la glieud da la provinza chinaisa Shanxi da cuschnar e stgaudar pli effizientamain ([colliaziun al project en China](#)). Plattas a charvun tradiziunals en chasadas ruralas vegnan remplazzadas cun plattas a gas nettas che funcziunan cun biomassa. Uschia sa meglierescha la qualidad da l'aria en las chasas e consequentamain era la sanadad dals umans. Hans Peter Bürge, manader infrastruttura da la Banca Chantunala Grischuna, commentescha: «Nus agin sin plaun regional e pensain global sco part da nossa strategia d'interpresa. Quai vala la finala era per nossas activitads da la persistenza.»

A Vossas dumondas respunda gugent:hans.peter.buerge@gkb.ch

Manader infrastruttura | +41 81 256 93 78

Il sector Marketing & communicaziun As gida gugent a cuntanscher il pli svelt pussaivel Vossa persuna da contact:As drizzai a thom.mueller@gkb.ch | +41 81 256 83 11.**Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'090 collavuraturas e collavuratur (stadi dals 30-06-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaint semestral preschenta ella cun ina summa da bilantscha da CHF 19,087 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2013:	7 da favrer 2014
Radunanza dals participants:	12 d'avrigl 2014